

使然也況諫院 啓辭所條陳別無資級未准之語何可追嫌

於十年之後而為之辭避乎掌令宋錫慶請 命出仕 荅曰

依啓○丁酉○辰時巳時日暈夜一更南方有赤氣焰焰如火

光中有一條氣如矩燦火直立長可二尺許或明或滅良久而

止二更有白氣一條狀如豎帚貫勾陳第三星間長可尺許至

二更末乃滅四更客星所在月光相近不得詳候○朝 王世

子問 安○大司諫鄭光績其兄熙績壬辰避亂于吉州燦光

節海西其兄在道內一下姓見績女于吉州人以此怨之及

以此人有薄其行而小其量者啓曰臣於平時曾忝銓郎粗知

然下官計仕陞遷之規文官與蔭官其例自別以此注書則觀

親受由皆在通計之中而蔭官則不計焉臣之耳目所覩記者

如此而亦未知其所以然也雖謂之謬例而流來已久臣意

以謂注書與直長均是文官之人而覩親受由又與之相同

故正言具汝撥尹守謙等處置之時並請出仕矣今聞物議以

為汝撥之名既在於直長公座簿則覩親受由當與蔭官一體

施行而通計去官未便云臣之輕信謬例處置乖當之失著矣